

Coronation wen toptoeëkenning

Nellie Brand-Jonker, Kaapstad

Coronation se effeketruustmaat-skappy is vanjaar as die wenner van die toëkenning vir groter fondsbestuurders by die jaarlikse Morningstar-prysuitdeling in Kaapstad aangewys.

Nedgroup Kollektiewe Beleggings was verlede jaar eerste en Coronation was derde in dié kategorie.

Die toëkenning is vir fondsbestuurders wat minstens tien fondse het wat 'n minimum van drie jaar bedryf word, volgens mnr. Tal Nieburg, hoof van Morningstar Suid-Afrika.

In die kategorie vir top-spesialisfondsbestuurders was Cadiz eerste.

Verlede jaar was Allan Gray eerste.

Die spesialisfondsbestuurderprys word uitgereik aan fondsbe-

stuurders wat minder as tien fondse bestuur, maar wat ook reeds 'n minimum van drie jaar in bedryf is.

Daar word klem gelê op die vertoning in die jaar tot einde Desember, maar die fondse moet ook oor die drie jaar tot einde Desember 'n sterk vertoning gelewer het. Die fondsbestuurder met die sterkste vertoning oor al sy fondse kry die toëkenning.

Dit is die derde jaar dat Morningstar se internasionale navorsingsmetodologie toegepas is in die beoordeling van die topfondse en topfondsbestuurders.

Mnr. Pieter Koekemoer, hoof van persoonlike beleggings van Coronation, het gesê die toëkenning is gewen as gevolg van dié

fondsbestuurder se bestendige vertoning tussen 2008 en 2010 oor 'n reeks fondse.

Coronation het ook toëkenning vir die beste vertoning in ander kategorieë gekry.

Die ander fondse wat wenners in die verskillende kategorieë was, is: Coronation Market Plus; Fidelity se Asian Special Situations; Cadiz Inflation Plus; Ashburton European Equity; Baroque Moderato; Franklin U.S. Opportunities; Nedgroup Investments Mining and Resources; Sarasin CI Equisar Dollar Global Thematic; Old Mutual Global Bond Feeder; Stanlib Financials; Coronation Industrial; Prudential Enhanced SA Property Tracker; RMB Small/Mid Cap; Cadiz Absolute Yield; Investec Opportunity Income; Nedgroup Investments Bond; Franklin Global Real Estate en Marriott Dividend Growth.

Wat sê jy?
Stuur 'n sms na 37172. Dit kos R1